

Kommuneqarfik Sermersooq – Najukkami Ataatsimiitsitaliat suleriaasissaat

Ataatsimiititaliap siulittaasua siulittaasullu tullia

§ 1. Ilaasortaq angajulleq (Utoqqaanersaq) Najukkami Ataatsimiitsitaliap ataatsimeeqqaarnissaanut aggersaasuusaaq. Ataatsimiinnermi siullermi siulittaasooq ilaasortanit amerlanerussuteqartunit qinerneqassaaq. Ataatsimiinneq ilaasortamit angajullersaasumit aqunneqassaaq. Siulittaasumik qinersineqareeripat Ataatsimiititaliap ilaasortami akomanni siulittaasup tullissaanik siulittaasup pisinnaannginnerani taamatut atuuttartussamik qinersissaaq.

Ataatsimiititaliami ataatsimiittarneq

§ 2. Ataatsimiititaliap ataatsimiinnerni suliasaminik isumaginnittassaaq.

Imm. 2. Ataatsimiititaliap piffissat ataatsimiiffissani nammineq aalajangersartassavai. Piffissaq sumiiffissarlu ullut 14-it sioqqullugit saqqummiunneqartassaaq. Ataatsimiititaliap ataatsimeeqqaarnermini ukiumut ataatsimiiffiusussat akuerissavai.

Imm. 3. Ataatsimiititaliap ataatsimiittarneri ammasuupput. Suliap suussusaa apeqqutaatillugu Ataatsimiititaliap aaliangersinnaavoq ataatsimiissutissaq matoqqasutut ingerlatissallugu. Ataatsimiititaliap siulittaasulluunniit kissaatigippagu suliap matoqqasusariaqarnera tamatuminnga isumaqatigiinniarneq matoqqasumik ingerlanneqartassaaq.

Imm. 4. Ataatsimiititaliap matoqqasumik ataatsimiissutit kommunimi sulisunit najuuffigineqarnissaa kissaatigisinnaavaa. Borgmesterilli Allatseqarfiata tamatigut kissaatigisinnaava suliap matoqqasumik suliarineqartut peqataaffigineqarnissaat. Ataatsimiititaliap suliap matoqqasumik sularineqarnerini kissaateqarsinnaavoq allat suliap attuumassuteqarsinnaasut peqataasinnaassasut suliap ingerlanneranut iluaqusersuutaasinnaasorigunigit.

Imm. 5. Najukkami Ataatsimiititaliap Allatseqarfiimmit ikiortaa tassaassaaq allattaavimmut allattuisartooq Ataatsimiititaliap allamik aaliangiussaqaarsimangippat.

Imm. 6. Ataatsimiititaliap ilaasortaa ataatsimiinnissamut peqataasinnaanngikkuni ataatsimiinnissamut aggersaasut tiguniararuniuk siulittaasumut nalunaaruteqartassaaq. Tamatuma kingorna siulittaasup sinniisussaq siulleq ataatsimiinnissamut aggersassavaa. Ataatsimiititaq inunnik kommunimi sulisuunngitsunik suliap suliarinninnermut peqataatitsisinnaavoq suliap paasissutissat eqqarsaatigalugit tamanna kissaatiginarpat. Aaliangikkanut allattaavimmut ataatsimiinnerit tamarluinnaasa ilaasortat kikkut najuutinnginnersut kikkullu nalunaaruteqarlutik najuutinnginnersut allattorneqartassapput

Oqaluuserisassanik sulianillu saqqummiisarneq nassiussuisarnerlu

§ 3. Oqaluuserisassanik suliaparnissamut siulittaasooq akisussaasuvoq. Siulittaasup oqaluuserisassat oqaluuserisassanilu suliap nalilersornissaanut atortussat ataatsimiinnissamut ulluinaat sisamat sioqqullugit nassiussuisarnissaaq isumagisassavaa. Tamatumunngattaq ilagitillugu ataatsimiinnissap tungaanut atortussat kommunip allaffiani ilaasortanit alakkarneqarsinnaasunngorlugit saqqummiunneqarsimasassapput.

Imm.2. Ataatsimiinnissaq ullunik arfineq pingasunik sioqqullugu (nal. 12.00) ilaasortaq allakkatigut suliaakkiisummik nassiussaqsarimappat siulittaasup tamanna ataatsimiinnissamut siullermut tulliuuttumut oqaluuserisassanut ilanngunneqarnissaa isumagissavaa.

Imm. 3. Immikkut ittumik ataatsimiinnissat siulittaasumit imaluunniit ilaasortat pingajorarterutaannit kissaatigineqarpat ingerlanneqartassapput. Siulittaasup tamanna qaqugu sumilu pissanersoq aaliangersartassavaa saqqummiullugulu.

Imm. 4. Naak oqaluuserissasat atortusallu nassiussuunneqareeraluartut suliassaq kingusinaartumik killiliussaasoq qaangereersoq tiguneqarsimasoq kinguartinneqarsinnaanngippat ilaasortat aaliangersinnaavaat ilannguteqqullugu. Taamaattoqartillugu siulittaasup pisussaaffigaa nassiunneqarsimasunut ilaanngikkaluartuq ataatsimiinnermi oqaluuserisassanut ilanngutissallugu. Taamatuttaaq suna pillugu oqaluuserisassap kinguartinneqarsinnaannginnera ilanngullugu oqaluuserisassani takuneqarsinnaassaaq.

Imm. 5. Najukkami Ataatsimiititaliap ataatsimiinnissaa sioqqullugu ataatsimiinnissami oqaluuserisassat kiisalu oqaluuserisani aaliangiunneqarsimasut, soorunami nipangiussisussaataaneq pillugu inatsit malillugu ilanngunneqarsinnaanngitsut eqqarsaatigereerlugit, saqqummiunneqartassapput assersuutigalugu kommunip allaffiani.

Aaliangiisinnaaneq

§ 4. Ataatsimiititaliaq minnerpaamik ilaasortat pingasut najuuppata aaliangiisinnaassuseqarpoq
Imm. 2. Ataatsimiititaliap aalajangigai amerlanerussuteqarnikkut aalajangiunneqartassapput.

§ 5. . Najukkani Ataatsimiititaliat aningaasaliissutigineqarsimasut qanoq atorneqarnissaannut aaliangiisinnaassuseqarput. Agguaassisarnerli siunertamut naapertuunnersoq pitsaasumillu ingerlanneqarnersoq Borgmesterip Allatseqarfianit qularnaarneqartassaaq, Aningaasaqarnermullu Ataatsimiititaliamit akuerineqassaaq.

Imm. 2. Najukkami Ataatsimiititaliap agguaattagai najukkami najugaqartut, peqatigiiffiit, kommunimilu politikkikkut suliaqartut oqartussaasullu akornanni suleqatigiinnermut nukittorsaataassapput kiisalu najukkami inuiaqatigiit timitaliisarnikkut, kulturikkut oqartussaaqataanermillu periarfissaasa naleqartitaasalu ineriartortinneqarnissaat ataavartinneqarnissaallu periarfississavaat. Aggvaanneqartartussat ingerlanneqarnerat kommunip pisinnaatitaaffiliussai inatsisillu atuuttut malillugit ingerlanneqartassapput.

Ataatsimiinnerup aqunneqarnera suliallu saqqummiunneqartarneri

§ 6. Ataatsimiinnerit siulittaasup aquttassavai.

Imm.. Ilaasortaq kinaluunniit ataatsimiinnerup aallartinnerani oqaluuserissat pillugit oqaaseqarumasinnaavoq.

Imm.3. Suliassat tulleriaarneqarnerisa qanoq ingerlanneqarnissaat siulittaasup aalajangigaatut ingerlanneqartassaaq. Oqaluuserisassatut tulleriissarneqarsimasut malinnagit ingerlasoqarsinnaavoq.

Ilaasortalli ataatsip kissaatigippagu oqaluuserisassat qanoq tulleriinnilersorneqassanersut oqaluuserisassat akuerineqannginnerini tamanna allanngortinneqarsinnaavoq.

Imm. 4. Oqaluuserisassani nassiunneqarsimasuni oqaluuserisassaq ilanngunneqarsimanngitsoq kinguartinneqarsinnaanngitsorlu aatsaat isumaqatigiissutigineqarpat suliarineqarsinnaavoq.

Imm. 5. Siulittaasup apeqquutit isumaqatigiinniernerit aquunneqarnissaannut tunngasut tamaasa qanoq ingerlanneqassanersut aaliangersassavaa. Suleriaatsimi aaliangersakkat malillugit siulittaasup paasinninnini malillugu aaliangiinera ilaasortap kialuunniit malikkallartussaavaa. Apeqquilli tassunga tunngasoq ataatsimiinnissami tullermi ilaasortap eqqartugassanngortissinnaavaa.

Imm. 6. Siulittaasup immikkoortut taasissutigineqartussat oqaasertalersortassavai.

Aaliangeeqataasinnaannginneq

§ 7. Ilaasortap Najukkami Ataatsimiititaliaq suliamut atatillugu attuumassuteqarpallaarnini pissutigalugu Najukkami Ataatsimiititaliap ataatsimiinnissaani aalajangeeqataasinnaannginnermi apeqquusernartoqartinnera pillugu kalerriisussaataavoq.

Imm. 2. Tamanna pillugu ataatsimiinnerup aallartinginnerani siulittaasooq nalunaarfigissavaa.

Imm. 3. Naatsorsutigineqarpat aaliangerneqassasoq ilaasortaq suliamut attuumassuteqarnini pissutigalugu aaliangeeqataasinnaanngitsoq, siulittaasup pisussaaffigaa sinniisussaq siulleq aggersassallugu, sinniisussaq siulleq pisinnaanngippat sinniisussap tullia aggersassallugu il. il

Imm. 4. Ataatsimiititaliap ilaasortap suliamut qanoq attuumassuteqartiginera pillugu nalilersuineq ingerlatissavaa taasissutigissallugulu. Ilaasortaq pineqartoq nalilersuinnermi peqataasinnaatitaavoq taaseqataasinnaatitaallunilu.

Taasineq

§ 8. Aaliangiunneqartut amerlanerussuteqarnikkut aaliangerneqartassapput

Imm. 2. Taasinerit nappaanikkut ingerlanneqartassapput

Imm. 3. Suliap inernerani siulittaasumit ima qularutigineqanngitsigippat, taasinnissaq pisariaqartinneqarnaviarani, siulittaasup tamatumunnga paasinninnini oqaatigissavaa, suliap aalajangiiffigineqarneranut tunngatillugu. Tamassuma kingorna ilaasortat taasinnissamik piunnaqanngippata, siulittaasup nalunaarutigissavaa suliap aalajangiunneqartoq, siulittaasup paasinninnermini oqaatigisaatut.

Aaliangersakkat allattorsimaffiat

§ 9. Siulittaasup suliassaraa Ataatsimiititaliap isumaqatigiissutigalugit aaliangigai aaliangersakkat allattorsimaffiannut nalunaarsussallugit. Nalornissuteqaruni qanoq allattoqassanersoq tamanna ilaasortat peqatigalugit suliarineqassaaq.

Imm. 2. Ilaasortap kinaagaluartup akkerliulluni isummani aaliangersakkat allattorsimaffiannut ilanngunneqassasoq piunnaarsinnaavaa suliannilu oqartussaasunut ingerlatinneqartussani

kissaatigisinnaavaa aaliangersakkat allattorsimaffiani allassimasut paasissutissatut ilanngunneqassasut. Suliap nassiunneqannginnerani ilaasortaq kissaateqarsinnaavoq isummani pillugu erseqqissaassutini ilanngukkusullugu. Ilaasortalli tamatuma allakkatigut aalajangersakkat allattorsimaffiannut isumaginnittuusumut tunniunnissaa akisussaaffigissavaa,

Imm. 3. Aaliangersakkat allattorsimaffiat ataatsimiinnerup naammassinerani ataatsimeeqataasimasunit atsiorneqassaaq. Ilaasortaq ataatsimiinneq tamakkerlugu peqataasimangippat tamanna nalunaarsorneqassaaq oqaluuserisanilu sorlerni peqataasimanginnersoq ilanngullugu. Ilaasortat taasisimanertik innersuussutigalugu atsiorumangissinnanngillat. Imaqarniliaq ataatsimiititaliap ilaasortanut, sinniisussanut Najukkamilu Ataatsimiititaliap ataqatigiisसारिसुनुत nassiunneqartassaaq.

Imm. 4. Aaliangersakkat allattorsimaffiannut nalunaarsorneqartassaaq ataatsiminneq qanga aallartinnersoq qangalu taamaatinnersoq

Nipangiusimannittussaataaneq

§ 10. Ataatsimiisitaliami ilaasortaannerup nassatarisaanik tusarliuteqqusaanngitsunik ilisimasaqalersimagaanni, tamatumani aamma pineqarlutik matoqqasumik ataatsimiinnerit, ilaasortat nipangiusimannittussaataanermt malittarisassat atuuttut malillugit nipangiusimannittussaataapput

Allatseqarfimmit ikiorserneqartarneq

§ 11. Najukkami Ataatsimiititaliat ataatsimiinnissamut atatillugu Kommuneqarfik Sermersuumit allaffissornikkut ikiorserneqartassapput.

Imm. 2. Najukkami Ataatsimiititaliat aningaasartuutaat ataatsimiinnermt tunngasut, assersuutigalugu nutserisoqarniarnermt allatseqarnermullu tunngasut Kommunalbestyrelsimit aningaasalersorneqartassapput.

Imm. 3. Allatseqarfiup siulittaasooq suleqatigalugu ataatsimiinnerit tamaasa imaqarniliaq suliarisassavaat. Naliginnaasumik ullut suliffiusut kingusinnerpaamik tallimat qaangiunnerisigut imaqarniliaq ilaasortanut tamanut tunniunneqareersimasassaaq.

Atuutilersitsineq il. il.

§ 12. Suleriaasissaq una atuutilersinneqarpoq ulloq 25. Novembari 2014

Imm. 2. Suleriaasissamut allannguutissatut siunnersuutit Kommunalbestyrelsimut akuerisassanngorlugit saqqummiunneqassapput.

Nuuk, ulloq 25. novembari 2014



Borgmesteri Aasi Chemnitz Narup